

Bosna i Hercegovina
Federacija Bosne i Hercegovine
Hercegovačko-neretvanska županija
SKUPŠTINA
Broj: 02-01-IV-036/15
Mostar, 06.02.2015. godine

IZVOD IZ ZAPISNIKA
Sa četvrte (IV) sjednice Skupštine
Hercegovačko-neretvanske županije

Sjednica je održana dana 06.02.2015. godine u dvorani Skupštine Hercegovačko-neretvanske županije u Mostaru sa početkom rada u 13:00 sati.

Sjednicu je otvorio Šerif Špago, predsjedavajući Skupštine Hercegovačko-neretvanske županije i pozdravio prisutne.

Tajnik Skupštine, Željka Čule, je obavila prozivku.

Nazočni: Mara Anđelić, Slađan Bevanda, Boris Bošnjak, Ilija Cvitanović, Osman Ćatić, Elvira Dilberović, Mesud Džajić, Luka Faletar, Zlatko Hadžiomerović, Anel Kljako, Andrea Martinović, Tomislav Martinović, Zijat Mušić, Ante Pavličević, Davor Pehar, Đuro Prkačin, Dario Pušić, Ivona Raguž, Zoran Raič, Vesna Saradžić, Elmir Šator, Amir Šelo, Ajman Šoše, Šerif Špago, Ana-Marija Topić-Jakovljević, Drago Tule, Amer Zagorčić, Aner Žuljević.

Izočni: Osman Macić, Adnan Velagić.

Konstatirano je da je na sjednici nazočno 28 zastupnika, te da postoji kvorum za rad i punovažno odlučivanje.

Nazočni po pozivu: predstavnici Vlade, predstavnici međunarodnih organizacija i predstavnici sredstava javnog informiranja.

Predsjedavajući je podsjetio zastupnike da su u materijalima dostavljeni izvodi iz zapisnika sa 2. i 3. sjednice Skupštine.

Otvorena je rasprava.

Primjedbi i prijedloga nije bilo.

Obavljeno je glasovanje.

Nakon glasovanja konstatirano je da su izvodi iz zapisnika sa 2. I 3. sjednice jednoglasno prihvaćeni.

Predsjedavajući Skupštine je pročitao predloženi dnevni red:

1. Zastupnička pitanja,
2. Prijedlog Odluke o izboru predsjedavajućeg, zamjenika predsjedavajućeg i članova stalnih radnih tijela Skupštine HNŽ/K,
3. Prijedlog Odluke o davanju suglasnosti na Financijski plan Fonda za zaštitu okoliša HNŽ/K za 2015. godinu,
4. Prijedlog Odluke o davanju suglasnosti na Odluku o izvršenju Financijskog plana Fonda za zaštitu okoliša HNŽ/K za 2015. godinu,
5. Nacrt Programa rada Skupštine HNŽ/K za 2015. godinu

Predsjedavajući Skupštine izvijestio je zastupnike da je Kolegiju Skupštine Klub Bošnjaka uputio prijedlog dopune dnevnog reda: „Odluka o dopuni Odluke o prijenosu na Vladu vršenja osnivačkih prava za Univerzitet „Džemal Bijedić“ i suosnivačkih prava za Sveučilište u Mostaru, te dodao sljedeće.

Po dogovoru na Kolegiju a u skladu sa Poslovníkom, prijedloge odluka dostavit će se Vladi na izjašnjenje na narednoj sjednici Vlade, te nakon toga planirati da se stave u dnevni red na narednoj sjednici Skupštine HNŽ/K.

Otvorena je rasprava.

Ajman Šoš, u ime Kluba SDA predložio je dopunu dnevnog reda sa zaključkom koji bi glasilo: „Zadužuje se Vlada da poništi konkurs za prijem u radni odnos koji nisu raspisani na osnovu odluke Vlade.“

U raspravi su još sudjelovali: Šerif Špago, Elmir Šator, Tomislav Martinović, Davor Pehar.

Usljedila je stanka od 5 minuta.

Nakon stanke obavljeno je glasovanje o prijedlogu za dopunu dnevnog reda koji je uputio Klub SDA.

Konstatirano je da je većinom glasova, uz 5 suzdržanih, dopunjen dnevni red sa točkom 6 -zaključak Skupštine o zaduženju Vlade HNŽ/K.

Obavljeno je glasovanje o prijedlogu dnevnog reda sa prihvaćenom dopunom.

Nakon glasovanja konstatirano je da je većinom glasova, uz 5 suzdržanih usvojen sljedeći

Dnevni red

1. Zastupnička pitanja,
2. Prijedlog Odluke o izboru predsjedavajućeg, zamjenika predsjedavajućeg i članova stalnih radnih tijela Skupštine HNŽ/K,
3. Prijedlog Odluke o davanju suglasnosti na Financijski plan Fonda za zaštitu okoliša HNŽ/K za 2015. godinu,
4. Prijedlog Odluke o davanju suglasnosti na Odluku o izvršenju Financijskog plana Fonda za zaštitu okoliša HNŽ/K za 2015. godinu,
5. Nacrt Programa rada Skupštine HNŽ/K za 2015. godinu
6. Donošenje Zaključka Skupštine o zaduženju Vlade za poništenje natječaja za prijem u radni odnos, a koji su raspisani bez Odluke Vlade o davanju suglasnosti.

AD1. Zastupnička pitanja

Mara Anđelić

Dobar dan. Pozdravljam sve nazočne. Evo ja imam jednu inicijativu, inicijativa je nastala zbog trenutne situacije na području Prozor-Rame što se tiče zdravstvene zaštite. Znači unatrag tri dana Porezna uprava, Ured za prinudnu naplatu, je blokirao račun Doma zdravlja, ostavljajući tako djelatnike bez plaća, a pacijente bez pravovaljane usluge, jer sredstva koja svaki mjesec dobivamo od Zavoda zdravstvenog osiguranja neposredno dan ranije su sijela na taj račun. Radi se o poreznom dugu iz perioda 2005.-2008. godine, koji iznosi oko 300.000 KM, ali je uz kamatu sad već poduplan. Taj dug je međutim i dalje minimalan u odnosu na druge zdravstvene ustanove u županiji, a i šire. Moja inicijativa je da se na jednoj od sljedećih sjednica ove Skupštine nađe točka o problemima u zdravstvu i zdravstvenim ustanovama. Smatram da treba izvršiti inspekciju uplate poreza u svim zdravstvenim ustanovama u županiji, te pristupiti jednako svim zdravstvenim ustanovama i uključiti u rješavanje ovoga problema općine, Zavod zdravstvenog osiguranja, Vladu, ministarstvo. Tako da se ne događaju ovakvi problemi koji dovode u pitanje, evo trenutno znači zdravstvenu zaštitu u Prozor-Rami, oko znači desetak tisuća osiguranika, ali ima i više stanovnika, tako da ne bi se takvi problemi javili i u nekim drugim mjestima. Hvala.

Amir Šelo

Poštovani predsjedavajući, zamjenici predsjedavajućeg Skupštine HNK-a, uvažene kolege zastupnici. Ja sam na prošloj sjednici Skupštine postavio pitanje ministarstvu poljoprivrede, šumarstva i vodoprivrede, a vezano za rekultivaciju zemljišta, dobio sam traženi odgovor, međutim u poslaničkom pitanju tražio sam da mi se u prilogu odgovora dostavi i odluka o odabiru korisnika sredstava za rekultivaciju zemljišta. Ministarstvo mi je ovdje napisalo da je spisak ovih korisnika objavljen na oglasnoj ploči ministarstva. Znači ja sam tražio da mi se u odgovoru dostavi tražena odluka, a ne da ja kao poslanik moram ići u navedeno ministarstvo pa da gledam oglasnu ploču ko je dobio sredstva!? Znači nisam u potpunosti zadovoljan odgovorom, jer više me interesovalo ko su korisnici, a nije me interesovalo zbog čega, kada, gdje i kako je objavljeno.

Amir Šelo

Tražim dopunu informacije da mi Ministarstvo dostavi rješenje o odabiru korisnika. Također za današnju sjednicu sam pripremio i dvije inicijative, jedna inicijativa je prema kolegiju Skupštine, a druga je inicijativa prema Vladi HNK-a. Znači na osnovu člana 83, stav 1, Poslovnika Skupštine, podnosim inicijativu prema kolegiju Skupštine da Skupština HNK-a zaduži kolegij o izradi web stranice Skupštine, te da se sjednice Skupštine HNK-a u cijelosti prenose preko navedene web stranice. Za ovu inicijativu imam sljedeće obrazloženje, Skupština HNK-a je jedino zakonodavno tijelo u F BiH-a koja još uvijek nema svoju internet stranicu, ostale kantonalne skupštine sve imaju web stranice. S tim u vezi Skupština ne može kvalitetno implementirati član 87, stav 1, Poslovnika Skupštine, u kojem se kaže da je rad Skupštine HNK-a javan. Javnost i građani u HNK-a imaju pravo bit upoznati sa radom Skupštine, zakonima i odlukama koje su u proceduri, radom poslanika i radnih tijela Skupštine. Jedini pravi način na koji će građani HNK-a moći kvalitetno pratiti rad Skupštine je kroz ažuran i kvalitetan internet portal, u okviru kojeg se trebaju prenositi i sjednice Skupštine HNK-a.

Druga moja inicijativa je prema Vladi HNK-a, a tiče se sljedećeg, znači da Vlada HNK-a ispoštuje član 12, stav 2, Zakona o mladima F BiH, Službene novine F BiH, broj 36/10, time što će zadužiti jedno od ministarstava da se u svom radu posveti i pitanjima mladih, to jest da se u okviru jednog od ministarstava nalazi službenik za mlade. Također Vlada HNK-a je dužna da ispoštuje član 14, stav 9, navedenog zakona, i da pruži punu podršku inicijativi za formiranje Vijeća mladih HNK-a, i to kroz predlaganje stavke za rad Vijeća mladih HNK-a u Budžetu i pronalazak adekvatnog prostora za rad Vijeća mladih HNK-a. Obrazloženje. Zakonom o mladima F BiH predviđeno je da kantonalni nivo vlasti dužan odrediti službenika za mlade pri nekom od ministarstava u kantonalnoj vladi, koji bi se bavio pitanjima mladih, saradivao sa omladinskim udruženjima na području kantona, pomogao u koordinaciji rada vijeća mladih, radio na izradi strategije za mlade na području HNK-a, itd. Također Zakonom o mladima F BiH predviđeno je da je vlada dužna pružiti punu podršku uspostavljanju vijeća mladih na nivou kantona. S tim u vezi Vlada HNK-a je obavezna preduzeti sve korake kako bi se Vijeće mladih uspostavilo, također dužna je znači obezbjediti početna sredstva u Budžetu za 2015. godinu, i pronalazak adekvatnog prostora ta Vijeće mladih. Hvala vam puno.

Donko Jović, ministar poljoprivrede, šumarstva i vodoprivrede u Vladi HNK-a

Da se ne bi dopisivali uvaženi zastupnik i mi, u ministarstvo je dakle pravilnik koji prati provođenje ovih procedura je predvidio ne donošenje odluka već lista uspješnih kandidata po tim pravilniku izvještava se na oglasnoj ploči ministarstva. Ovo je upravni postupak koji se završava, konačno rješenje, mi smo donijeli sva rješenja i tu listu izvjesili na oglasnoj ploči, jer provedbeni akti u provođenju procedura tako predviđaju, ne možemo donijeti odluku, ne možemo donijeti nešto što nije pravilnik ili zakon. To je na oglasnoj ploči, to je predvidio pravilnik tako, mi bi donijeli odluku nikakav problem nije, ali pravilnik ovako predviđa, jer ovo je upravni postupak pa se završava rješenjem, vi niste u toj problematici pa ja vam to i ne zamjeram. Dakle, samo da kažem još jedno pojašnjenje vezano za ovu proceduru, mnogo zgodnije pitanje bi bilo što se je

ova procedura ovako razvukla. Mi smo proveli ovu proceduru na jedan najtransparentniji i najpismeniji način u Federaciji, gledali smo iskustva nekih drugih županija, Tuzlanska, Zenička, itd., daleko kvalitetnije smo to odradili nego oni, na najtransparentniji način, po principu gdje je jedan od kriterija bio odakle su sredstva došla, iz kojih općina, da se otprilike i te općine jave, pa je najviše otišlo u Konjic, skoro 70%, jer smo držali i taj princip. A zašto se procedura razvukla? Zato što je u federalnom ministarstvu federalni ministar opstruirao donošenje, on u cijeloj toj proceduri mora dati suglasnost na te elaborate koje su uradili dva fakulteta i institut, on to nije htio donijeti. Ja sam angažirao federalnog upravnog inspektora koji je otišao u to ministarstvo pa mu naredio da u roku 15 dana mora uraditi rješenja, pa su me u tih 15 dana zvali njegovi savjetnici da mi nešto popričamo na tu temu, ja sam rekao da mi nemamo šta pričati na tu temu jer imate naredbu upravnog federalnog inspektora da morate odgovoriti. Onda on kaže, „pa ja ne moram kažu odgovoriti pozitivno“, pa ja i ne tražim da ti meni pozitivno ili negativno, nego da odgovoriš, a volio bih vidjeti vašu pamet da vi u ministarstvu poništite nešto elaborate gdje su dva fakulteta i institut radili“. U roku od tri dana dobio sam sva pozitivna mišljenja od njih. Dakle, 8 do 9 mjeseci su opstruirali donošenje ovoga. To je mislim bilo mnogo možda zgodnije pitanje da se postavilo, a procedura je vidjeli ste sami iz ovoga na najtransparentniji način i stručno najkvalitetnije provedena.

Tomislav Martinović

Pozdravljam uvažene kolegice i kolege, goste, ministre, i sve ostale koji su nazočni ovoj današnjoj sjednici Skupštine. Znači da bi bili ekspeditivni možemo odmah ponuditi odgovor, istina jeste da je ova Skupština jedina skupština koja nema svoju internet stranicu. Znači određena inicijativa, a u dogovoru sa OSCE-om koja je trajala 2-3 mjeseca, kojoj je bio cilj da ovaj s njihovim predvođenjem mi dobijemo tu stranicu, nažalost nije dovršen do kraja. Mi smo ovih dana na Kolegiju raspravili tu situaciju, i dat ćemo nalog ovaj da se znači u okviru naših resursa domaćih netko angažira tko bi izradio prikladnu internet stranicu ove Skupštine, a koja bi mogla pružiti sve potrebne informacije, kako i zastupnicima, odnosno poslanicima, a i svim drugim zainteresiranim stranama o tome što Skupština radi, kako radi, kakvi su joj planovi, što je usvojila, i sve ono znači što je bitno za pravodobno informiranje javnosti. Znači i ovu vašu inicijativu evo ovaj prihvaćamo, znači već smo na tom odradili određene korake, i mi se nadamo da ćemo za nekih mjesec, do mjesec i po dana imati tu našu internetsku stranicu, koja će uistinu biti kvalitetna. Hvala.

Zlatko Hadžimerović (napomena – govori u ulozi ministra)

Uvažene kolege, ministri i ostali prisutni. Dakle, ja sam dužan ovdje iznijeti obrazloženje. Čini mi se prije dvije godine dana tragom zahtijeva uvaženog zastupnika Kljake, koliko se sjećam, postojala je jedna inicijativa da se uvede jedno radno mjesto referent za pitanja mladih. Tragom toga Vlada je odobrila da se raspiše konkurs, konkurs je raspisan, u toku je dakle procedura i nadam se da ćemo ubrzo okončati i to. Hvala vam.

Amer Zagorčić

Uvaženi predsjedniče, poštovani zastupnici i ostali prisutni. Mislio sam sačekat do iduće sjednice da svu onu hrpu papira koju imam vezano za ovaj odgovor Agencije za privatizaciju na pitanje koje sam im postavio kad će objaviti ugovore pa da donesem na narednu sjednicu, ali evo mogu to i ovako. U prvoj rečenici Agencija spominje „od iste političke opcije“, ne znam uopšte odakle Agenciji pomisao da se bavi tim ko i kako, pitam odakle joj pravo da se bavi politikanstvom i mislim da za to nisu ovlašteni i ne treba da ih zanima od koga to dolazi. Dalje, oni ovdje spominju da su dali prigovor Vladi Hercegovačko-neretvanskog kantona 9.9.2013., i oni koji su bili u prošlom sazivu Skupštine znaju da je Skupština u februaru 2014. potvrdila sve ono što je Vlada zaključila vezano za objavu privatizacijskih ugovora. Tako da mislim da je pozivanje na ovaj prigovor besmislen, Agencija za privatizaciju je dobila taj zaključak Skupštine, i mislim da se on može smatrati odgovorom na njihov prigovor. I ono što još Agencija za

privatizaciju spominje, da zaključak Vlade nije u skladu sa propisima o privatizaciji i Zakonom o slobodi pristupa informacijama u F BiH i Zakonom o zaštiti podataka, Agencija za zaštitu ličnih podataka je rekla da je zaključak Vlade u skladu sa zakonom. Tako da ovo nisu istine što govore ljudi iz Agencije. Vlada je obavezala Agenciju za privatizaciju da objavi te ugovore, a Agencija uporno govori da je ona poslala Vladi po jedan primjerak zaključenih ugovora i aneksa, i mislim da je to samo prebacivanje loptice i izbjegavanje odgovornosti i obaveza koje su im proistekle iz zaključaka Vlade, te stoga predlažem da sa današnje sjednice Skupština uputi odgovor Agenciji za privatizaciju, inicijativu ustvari dajem za narednu sjednicu i tačku dnevnog reda, da uputimo odgovor Agenciji za privatizaciju kojim bi im rekli da smo izglasali već jednom na Skupštini u februaru 2014. godine da imaju postupiti po zaključku Vlade.

AD2. Prijedlog Odluke o izboru predsjedavajućeg, zamjenika predsjedavajućeg i članova stalnih radnih tijela Skupštine HNŽ/K

Predsjedavajući je izvijestio zastupnike da je nakon izbora predsjedavajućeg i zamjenika predsjedavajućeg u međuvremenu konstituiran Kolegij Skupštine, a po Poslovniku Kolegij Skupštine čine predsjedavajući, zamjenici predsjedavajućeg, predsjednici klubova naroda i tajnik Skupštine. Sastav Kolegija: predsjedavajući Šerif Špago, Vesna Saradžić i Tomislav Martinović kao zamjenici predsjedavajućeg, Drago Tule kao predsjednik Kluba hrvatskih zastupnika, Ajman Šoše kao predsjednik Kluba bošnjačkih zastupnika, i Željka Čule kao tajnik Skupštine, a Vesna Saradžić je ujedno i predsjednik Kluba iz reda srpskih zastupnika, tako da je ona u dvostrukoj ulozi u sastavu Kolegija, iako nema pravo na dva glasa.

Predsjedavajući je pročitao prijedlog odluke o izboru predsjedavajućeg, zamjenika predsjedavajućeg i članova stalnih radnih tijela Skupštine Hercegovačko-neretvanske županije-kantona.

Članak 1. za predsjedavajućeg, zamjenika predsjedavajućeg i članove stalnih radnih tijela Skupštine Hercegovačko-neretvanskog kantona izabrani su: 1) Komisija za Ustav, iz reda poslanika izabrani su: za predsjedavajućeg Amir Šelo, za zamjenika predsjedavajućeg Tomislav Martinović, za članove Drago Tule i Vesna Saradžić, iz reda stručnjaka izabrani su: Častimir Mandarić, Kenan Greda.

2) Komisija za zakonodavno-pravna pitanja: iz reda poslanika izabrani su: za predsjedavajućeg Tomislav Martinović, za zamjenika predsjedavajućeg Šerif Špago, za članove Ajman Šoše, Slađan Bevanda, iz reda stručnjaka izabrani su: Željka Čule, Jasminka Bratić.

3) Komisija za praćenje rada Ministarstva unutrašnjih poslova, ljudska prava i građanske slobode, izabrani su: za predsjedavajućeg Zijat Mušić, za zamjenika predsjedavajućeg Drago Tule, za članove Zlatko Hadžiomerović, Boris Bošnjak.

4) Komisija za izbor i imenovanje, izabrani su: za predsjedavajućeg Boris Bošnjak, za zamjenika predsjedavajućeg Zijat Mušić, za članove Davor Pehar, Elmir Šator.

5) Komisija za budžet, finansije i ekonomsku politiku, izabrani su: za predsjedavajućeg Ivona Raguž, za zamjenika predsjedavajućeg Aner Žuljević, za članove Đuro Prkačin, Šerif Špago.

6) Komisija za obrazovanje, kulturu, sport i mlade, izabrani su: za predsjedavajućeg Elvira Dilberović, za zamjenika predsjedavajućeg Zoran Rajič, za članove Slađan Bevanda, Adnan Velagić.

7) Komisija za privredu, poduzetništvo i poljoprivredu, izabrani su: za predsjedavajućeg Osman Macić, za zamjenika predsjedavajućeg Zoran Rajič, za članove Amer Zagorčić, Luka Faletar.

8) Komisija za građenje, prostorno uređenje i zaštitu okoline, izabrani su: za predsjedavajućeg Dario Pušić, za zamjenika predsjedavajućeg Anel Kljako, za članove Osman Ćatić, Ilija Cvitanović.

9) Komisija za zdravstvo, rad, socijalnu politiku, izbjegle i raseljene, izabrani su: za predsjedavajućeg Elmir Šator, za zamjenika predsjedavajućeg Davor Pehar, za članove Amir Šelo, Ante Pavličević.

10) Komisija za ravnopravnost spolova, izabrani su: za predsjedavajućeg Ante Pavličević, za zamjenika predsjedavajućeg Adnan Velagić, za članove Elvira Dilberović, Mara Anđelić.

11) Komisija za utvrđivanje istovjetnosti tekstova na jezicima konstitutivnih naroda i informisanje, iz reda poslanika izabrani su: za predsjedavajućeg Andrea Pehar, za zamjenika predsjedavajućeg Vesna Saradžić, za članove Ana-Marija Tadić- Jakovljević, Mesud Džajić, iz reda stručnjaka izabrani su: Senka Marinčić, Elvira Isaković -Hrle.

Članak 2. Stupanjem na snagu ove Odluke prestaju važiti sve dosadašnje odluke o izboru radnih tijela Skupštine Hercegovačko-neretvanskog kantona.

Članak 3. Odluka stupa na snagu danom donošenja, a objavit će se u Službenim novinama Hercegovačko-neretvanskog kantona.

Otvorena je rasprava.

U raspravi su sudjelovali: Elmir Šator, Ilija Cvitanović, Ajman Šoše, Elvira Dilberović.

Usljedila je stanka od 5 minuta radi usuglašavanja.

Nakon stanke uslijedilo je glasovanje o prijedlogu Elmira Šatora koji je predložio da u Komisiji umjesto Elmira Šatora bude Ajman Šoše.

Nakon glasovanja konstatirano je da je prijedlog jednoglasno prihvaćen.

Prijedlog Šoše Ajmana, da se u Komisiji za praćenje rada Ministarstva unutrašnjih poslova, ljudska prava i građanske slobode, umjesto Zlatka Hadžiomerovića uvrsti gospodin Osman Čatić, a da se u Komisiji za građenje, prostorno uređenje i zaštitu okoline, umjesto Osmana Čatića uvrsti gospodin Zlatko Hadžiomerović.

Obavljeno je glasovanje.

Nakon glasovanja konstatirano je da je prijedlog jednoglasno prihvaćen.

Slijedeći prijedlog je bio prijedlog gospodina Cvitanovića, da se u Komisiji za građenje, prostorno uređenje i zaštitu okoline, za predsjedavajućeg komisije izabere gospodin Luka Faletar, da gospodin Dario Pušić umjesto gospodina Ilije Cvitanovića bude član navedene Komisije.

Obavljeno je glasovanje.

Nakon glasovanja, konstatirano je da je za prijedlog glasovalo 11 zastupnika, protiv 11, suzdržanih 5, te da prijedlog nije dobio potrebnu većinu i isti nije prihvaćen.

Prijedlog gosp. Šatora i gđe. Dilberović, da se u Komisiji za ravnopravnost spolova za zamjenika predsjedavajućeg stavi Mara Anđelić, a Adnan Velagić da postane član navedene Komisije.

Obavljeno je glasovanje.

Nakon glasovanja, konstatirano je da je prijedlog jednoglasno prihvaćen.

Obavljeno je glasovanje o Odluci sa prihvaćenim izmjenama.

Nakon glasovanja, konstatirano je da je većinom glasova, uz 3 suzdržana glasa usvojena odluka o izboru predsjedavajućeg, zamjenika predsjedavajućeg i članova stalnih radnih tijela Skupštine Hercegovačko-neretvanske županije-kantona.

AD3. Prijedlog Odluke o davanju suglasnosti na Financijski plan Fonda za zaštitu okoliša Hercegovačko-neretvanske županije-kantona za 2015. godinu

Predsjedavajući je izvijestio zastupnike da je prijedlog Odluke dostavljen u materijalima.

U ime predlagatelja obrazloženje je dao ravnatelj Fonda Jerko Pavličević.

Otvorena je rasprava.

Primjedbi i prijedloga nije bilo.

Obavljeno je glasovanje.

Nakon glasovanja konstatirano je da je većinom glasova, uz 2 suzdržana glasa usvojena Odluka o davanju suglasnosti na Financijski plan Fonda za zaštitu okoliša Hercegovačko-neretvanske županije-kantona za 2015. godinu.

AD4. Prijedlog Odluke o davanju suglasnosti na Odluku o izvršenju Financijskog plana Fonda za zaštitu okoliša HNŽ/K za 2015. godinu

Predsjedavajući Skupštine Šerif Špago otvorio je raspravu.

Primjedbi i prijedloga nije bilo.

Obavljeno je glasovanje.

Nakon glasovanja konstatirano je da je većinom glasova, uz 3 suzdržana glasa, usvojena Odluka o davanju suglasnosti na Odluku o izvršenju Financijskog plana Fonda za zaštitu okoliša HNŽ/K za 2015. godinu.

AD5. Nacrt Programa rada Skupštine HNŽ/K za 2015. godinu

Predsjedavajući Skupštine Šerif Špago izvijestio je nazočne da je na sjednici kolegija Skupštine zaključeno da izradi nacrt programa rada Skupštine za 2015. godinu.

Obrazloženje je dao zamjenik predsjedavajućeg Tomislav Martinović.

Otvorena je rasprava.

U raspravi su sudjelovali Amir Šelo i Amer Zagorčić.

Obavljeno je glasovanje.

Nakon glasovanja konstatirano je da je Nacrt Programa rada Skupštine HNŽ/K za 2015. godinu prihvaćen kao dobra osnova za izradu prijedloga.

Ostavlja se rok od 10 dana za dostavu primjedbi i prijedloga, kako bi Kolegij za narednu sjednicu Skupštine pripremio prijedlog programa rada Skupštine za 2015. godinu. Zaključak je jednoglasno usvojen.

AD6. Donošenje Zaključka Skupštine o zaduženju Vladi za poništenje natječaja za prijem u radni odnos, a koji su raspisani bez odluke Vlade o davanju suglasnosti

Predsjedavajući Skupštine pročitao je prijedlog zaključka koji glasi: „zadužuje se Vlada HNK da u što kraćem roku donese odluku o poništenju konkursa za prijem u radni odnos državnih službenika i namještenika u svim ministarstvima i drugim kantonalnim organima Uprave, a koji su raspisani bez odluke Vlade o davanju saglasnosti za prijem u radni odnos“.

Otvorena je rasprava.

U raspravi su sudjelovali Ajman Šoše, Aner Žuljević i Tomislav Martinović.

Na zahtjev predsjednika Kluba HDZ-a i predsjednika Kluba SDA uslijedila je stanka od 5 minuta radi usuglašavanja.

Nakon stanke predsjedavajući je pročitao usuglašeni tekst zaključka koji glasi: „zadužuje se Vlada HNK da u što kraćem roku donese odluku o poništenju konkursa za prijem u radni odnos državnih službenika i namještenika u svim ministarstvima i drugim kantonalnim organima uprave, a koji su raspisani bez odluke Vlade o davanju suglasnosti za prijem u radni odnos, te da Vlada za narednu sjednicu Skupštine dostavi izvještaj o izvršenju zaključka“.

Obavljeno je glasovanje.

Nakon glasovanja je konstatirano da je zaključak usvojen većinom glasova, uz 4 suzdržana glasa.

Sjednica je završena u 15:30 sati.

Predsjedavajući

Zapisničari:

Omar Robović

Dario Topić

Šerif Špago